



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Historia Missionis Anglicanæ Societatis Iesv**

**More, Henry**

**Avdomari, 1660**

Hic ope B.Aloysij liberatur à Calculi doloribus. ibidem

**urn:nbn:de:hbz:466:1-38320**

turior factus, & iam sacris initiatus, tam acerbum animo dolorem hausit vetera repetens, vt satis se facere non posse arbitraretur nisi Societati quam lælerat se totum donaret consecraretque: cumque recenter Alumnis imposito iureiurando impediretur nè ante triennium ab absolutis studijs Religiosum vllum ordinem amplecteretur, vires omnes intendit vt à Pontifice summo eius iurisdictioni remissionem impetraret, impetratâ admissus, sextum vix mensem Tyrocinijs impleuerat quando lentâ febre occupatus, inter humilitatis frequentia exempla, hoc vnum ambiebat precabaturque vt eo vlque superuiuere concederetur donec votis nuncupandis legitimum tempus affulgeret: dies Annum, Annum annus cum exedisset, exeso etiam ipse corpore flaccescens, planctq; cõsumptus, voti tamen compos & animi, tranquillissimè decessit de vita tertio idus Apriles ætatis anno octauo & vigesimo.

*Guilielmus Flaccus* Suffolciensis senio potius confectus quàm morbo ad annum seculi trigesimum septimum superuixit. Is è communi patriæ calamitate subducens se, Rhemos primum, deinde Romam venerat, vbi in Societatem adscriptus post moralis Theologiæ cursum Laureti absolutum, in Hispanias à *Personio* accitus est, atque in Belgium missus ad ponenda initia Seminarij Audomarenis, vt libro quinto notauimus. Cuius Seminarij fundationem cum singulari industriâ atque constantia egregiè promouisset, in eo reliquam penè exegit vitam, domesticis rationibus, & rei pecuniariæ procurandæ adhibitus; præterquam quod aliquamdiu tertiæ probationis domui erectæ Gandau præfuerit. Qua in domo æger singulare beneficium consecutus est, impetrante *B. Aloysio Gonzaga*, quem habuerat *Flaccus* in tyrocinijs contubernalem: quod beneficium hunc in modum ipsemet scripto consignauit.

Anno salutis 1632. Iunii 21; qui dies Beato *Aloysio Gonzaga* sacer est, Ego *Guilielmus Flaccus* domus Anglorum Societatis Iesu Gandau id temporis Rector, difficultate vrinæ diu multumque afflictus, eò deueneram vt medici remediũ ab arte sua superesse nullum pronunciarent; compererant enim calculo in vesicam delapso obstructos esse meatus: paucisque diebus ante natalem Beati *Aloysij* diem, tam vehementer torqueri cæpi, vt mortem non longè positam arbitrarer. Quod reliquum igitur erat, quæ ad vitæ exitum pertinent adornare institi, spemque omnem in Cœlestibus collocare, *Aloysium* enixè sollicitare, vti extremo illo tempore adesset, cruciatumqueleniret, eo enim Romæ familiariter vltus fueram, habueramq; in tyrocinijs consodalem, virtutesque eius animo insculptas per omnem vitam præcipua veneratione colueram. Posteaquam itaque eam noctem quæ dictum *Aloysio* diem antecessit, preces inter acutissimosque dolores extraxissem, cum adesse iam vitæ exitum iudicarem, accito manè Sacerdote, Confessione generali expiare me aggressus sum, modo peccata mea commemorans, sæpius opem Beati Adolescentis implorans, doloris acerbitate coactus: Tum etiam suadente Confessario, Liplanothecam, (cum aliud præsto non esset)

Guilielmus  
Flaccus.

Ope B. A:  
loysij liberatur à do-  
loribus  
calculi.



1627.

esset) quam diu gestatam plurimi faciebam, ad eius in domestico sacello sacram tabulam me appensurum voui, perpetuum beneficij monumentum, si dolori afferret leuamen; simul me illo obstrinxeram voto, simul voti cōpos factus sum: Vix enim intercessit spatium quo percurri posset salutatio Angelica, quando binos effundo calculos, fabis mediocribus magnitudine pares; atque ita omnis repente conleuit dolor, vt intra horam surgens ad sacellum descenderim, votum gratesq; persolurus) Hæc ille: superfuit autem ad annos quinque ab huiusmodi doloribus liber; tum sacramētis omnibus munitus, sacro etiam Christi corpore selquihorā ante obitum recreatus concessit è viuīs annum ætatis agens octogesimo tertium.

Edmundi  
Arosmit  
thæi certam  
& mors  
pro  
Christo.

X I. Et hinc vmbra diuinæ beneficentiæ felicem sortiti sunt exitū, in sole & puluere *Edmundus Arosmitheus* de impij Iudicis immani sæuitia gloriosa morte triumphauit. Aliquanto iam tempore sæuierat in Catholicos persecutio, dura illa quidem & aspera, sed sine ferro & sanguine incruenta: vt vero imbres opportuno tempore de Cælo depluunt in segetes nē deflorescant, ita deus cū visum fuerit, quorundam singulari atque eximia constantia cæterorum aut reficit erigitq; infirmitatem, aut corroborat fortitudinem. Inter hos *Edmundus* ex nostra Societate Sacerdos antea actæ vitæ labores in Anglicana messe religiose exantlatos beato sine coronauit. Carceris & vinculorum fidei causa perpeffioe olim illustris, tum etiam celebri cum Pseudo-Antistite Cestrensi disceptatione (quā Apostolicæ sedis auctoritatem autamque fidem hæretici hominis silentio ignominiaque vindicauit) nescire non poterat quanto in periculo versaretur si rursus in manus incideret eorum quibus erat & propter eam congressionem iam de vultu notus, & religionis causa odiosus; stationem tamen suam non deseruit animosus Christi miles, sed in eadem Lancastriæ Prouincia indefessam inuictamq; lucrandis animabus nauauit operam. Iuuenis in ea regione consobrinam duxerat in incestum vsus Pseudo-ministri ceremonia; hunc dum à flagitiola consuetudine abstrahere nititur *Edmundus* in duorum offensionem incurrit & odium, adolescentis & matris; Vtque est mulierum iracundia ad vindictam præceps, molestum monitorem vt submoueret, non veretur Magistratui indicare quo loco quaque via cōprehendi posset. Secundo igitur coniectus in carcerem consuetā diligentia incumbit in curam cogitationemque aggregandi ad Ecclesiæ Sanctæ ouile quos poterat, & omnium vna detentorum animos benignitate humanitateq; deuincit. Non multo ante tempore quam Iudices (pro more Insule) in Prouincias iudiciorum exercendorum causa mittēretur, edictum fuerat vt leges omnes in Catholicos latæ vim suam potestatemque sortirentur: Hanc ansam opportunè sibi datam arbitratus *Henricus Yeluer-tonus* qui quæstionibus de capite cognoscendis præfaturus Lancastriam descenderat vt secta Puritanus, ita proprio huiusmodi hæreticis ingenio in Catholicos inhumanus & barbarus citatum *Edmundum*, atque iniuriosè compellatum interro-